

فولک

صاحب و مدیر مسئولی

قبریسلی درویش وحدتی

امور تحریریه ایچون مدیر مسئوله

مراجعت اولنور

آدره سی :

ساقی بک مطبعه سی

۸ محرم ۱۳۲۷

جمعه ایرتسی

۱۸ کانون ثانی ۱۳۲۴

۳۰ کانون ثانی ۱۹۰۹

قارئین کرامدن

رجا

وولقان حوادث عادیه غزته دکدر .
عثمانیله مغایر کوردیکی اگ اوفق شیرلی بیله
تنقید ایدر ، اگ ایجه حیلہ کار لقلری انظار
قارئینه عرض ایدر .

بناءً علیہ بو کون بر غزته نک مملکت مزده دوام
انتشاری عمومک همت وغیرته محتاجدر .
مسلمک مزده سقامت وارسه اخطار ایدیکز .
بوقسه ، ملت اسلامیہ و عثمانیه خدمت ایدہ بیله
جکی سز جده مأمول ایسه براردها
سورومنه غیرت ایدیکز .

هر بریکزک البته بر عزیز دوستی واردر .
لطفاً توصیه ایدیکز که : طامله طامله کول اولور
مثل مشهورنجه تلاقی مافاة ایدہ لم . حیاتمزی
شویوله وقف ایدہ لم .

تألیف موفقیتلر

یاخود

بشارت عظمی

انسان بر فکره خادم اولوبده عدم
موفقیتدن ناشی نه قدر مایوس اولورسه اصابتدن
طولایده اودرجه مسرور اولور .
وقتا که شو ورقاره مزی نشره باشلاق ،

هرج و مرج انقلابدن متولد برچوق مسائل
نظر دقمزی جلب ایتدیکندن میدان مبارزه
اتلاق ، اولکی نسخه لر مزده بالمناسبه ذکر
و امداد ایتدیکمز وجهله کافه سنده ، اوت
کافه سنده موفق اولدق .

بومیانده فرقه احرار حقننده برچوق
ستایشات وجدانیده بولندق اما : شمدی یه
قدر آناری ایستیلان درجه تجلی ایتدیکندن
بوفرقه ناجیه حقننده ، هر نه سویلشم
اولسه یدق ، انظار یار واغیارده لازم الحصول
بر تأثیر کتیره مزدک .

دفعاتله بر سرعت بر قیه کبی منظور چشم
حیرتمز اولان ترقیاتندن بحث ایدردک ،
لکن پای تخت سلطنتده « پهره پالاس » ده
برمدب ، مطمئن ضیافت ملی کشیده سیله
ارکان حکومتی جمع ایدہ بیله جک ، بتون سیاسیونی
بریره کتیره جک ، حیثیت واعتباری احرار
ایدہ جکنی طوغریسی خاطریمزه بیله کتیره مز
ایندک .

عاجزانه بزده دعوتلی ایدک ، حیفاکه :
اجابت ایدہ مدک ، دولت عثمانیه نک ۶۱۰ سنه
اولکی آن استقلالنی بتون عثمانیلرک قلبنه نقش
ایتمش اولان بو کتله کمیلین اراسنه اسممزی
قید ایتدیره مدک .

اغلا ! ای وولقان اغلا !

دولت عثمانیه نک ایکی بویوک صدر اعظمی
اوراده :

مؤسس بنیان سلطنت حضرت عثمان ،
اوراده . ناشرانوار حریت ابوالاحرار ملت ،
حضرت کمال اوراده : اوت . برینک رسم
جلادتی محفل احتشامده ، برینک فکر علویتی
موقع احترامده .

برینک روحی ، — یاورولرم ! شهاد
اولکز بنی شادان ایتدیکز . سزدن ایستدیکم
بوایدی . اوغلم فاتحده سزدن بونی بکلردی .
ادیان سائرہ اصحابنه بخش ایتدیک امتیازات ، بو آنی
احضار ایچون ایدی . بن ، اویم ، او ، ده بتم .
یالکز اسممزی ایری . دیوردی . اوت : بن
اویم . اود بنم ، یالکز زمانمزی ایری ، طرزنده
خطاب ایدیوردی .

دیگرینک کی ده ایشته ! برعشیرتدن جهانگیرانه
بردولت چیقاران ، برستیده روحم ، عثمانک
رسمی ، رسمی دکل کنیدیسی سزه باقیور .
بن ایسه ، سزده امید ایتدیکم فیضی ، کورمه دن
اولورسه م ، مزار طاشمه — وطن مخزون بن
مخزون — دیه یازلمسنی ، وصیت ایتشدم .
خیر ! اولادلرم . سزی ، امید استقبال وطن
اولان فرقه احراری بوراده کوردیکم دقیقه دن
اعتباراً ردوصیت ایدیورم ، ارتق تربه مدن
او ، زمینده کی نظمی قالدیریکز ! ویرینه ، شمدی
روحک سویلدیکی

« بن امید ایتدیکم فیضی بو کون ملت ده سیرایتدم
یازیلسون سنک قبرمده وطن مسرور بن مسرور »



بیتنی یازیکز! بوده ای فرقه احرار که بن رئیس کرم، سزه یادکارم اولسون دیوردی .

ایکی صدر اعظم که : برینک نظری ملتک کالنه ، برینک بصری امتک سعادتنه معطوفدره . استخباراتمه نظر آله ویرمشلر ، درین درین تفکراته دالمشلدی ، اوپله حس اولیورکه : دوراستبدادها ! . نفرین ! اوقاره کونلره ! دیورلدی .

ساعت اوچده ضیافته ابتدار اولندی . دعوتلیار سالونه اقیم اقیم کلدکجه مکمل براورکستراملی مارشنی ترنمساز اولیوردی .

ختم ضیافته تظفلر بر برینی تعاقب ایتدی . قارولیدی افندیکنک نطق ده جدآسزوار تبریکدر . « و قتیله اسکندر کیر اورپادن اسبیاه کچرک اوروپانک افکار مدینتی نقله واسطه اولدینی کبی ، عثمانیلرده اسپادن اوروپایه کچرک شرقک انوارینی اوروپایه نشرایتدیلر . بالقانده کی اقوام مختلفه بر کره کوز اوکنه کتیراین . بواختلافدن طولای دولت علیه نک وجودینه احتیاج واردر . اکر دولت عثمانیه اولمسیدی بو مختلف قوملر بر برلینه دوشه جکلر ، یکدیگری خیرپالیه . جقلردی روملر دولت عثمانیه کی بیوک بر دولتک مغلوبی اولدقلری و صوکره اکا صادقانه خدمت ایتدکلی ایچون افتخار ایتلیدرلر . اکر شرقده بر دولت عثمانیه بولمسهیدی شو اختلافات معروضه دن طولای اودولتی احیا ایتک لازم کلیدی » قارولیدی افندی حقهده اولجه برچوق دیدی قودیلر اولدینی حالده بویله بر موقع محتشمده بو صورتله اداره کلام ایتسی تکرار تکرار ستایشلره احراردر .

شو ضیافتدن اوپله فائده لر حصوله کلیدی که : بونک ثمراتی استقبالاک اک یقین کونلرنده اقتطاف ایتمه من ماملدر . فرقه احرار حکومته موجودیت و مسلکینی ابراز ایتدی کی اقوام مختلفه نلده امنیت واعتمادینی جلبه موفق اولمشدر . بو ضیافت ، فرقلر اراسندهده ائتلافک حصوله بشارت عظمادر . جناب حق توفیقات صمدانیه سنه مظهر ایلسون آمین .

وحدتی

کمرکلر من

اداره مقهوره ظالمه ، دوائر موجوده مزک هانکیسنه پای انداز مصیبت اولمامشدی که ؛ کمرکلر مزکده بو نیجه استبداددن مصون قالدینی تصور ایدیلر بیلین ؟ . بک طبعیدر که ثروت و سعادت ملیه نک حصول تزیدی تجارت و صنایع مملکتک درجه تکامل و ترقیاته موقوف ایسه ترقیات مطلوبه نک آلت احرار و تحصیل ده کمرکلدر . چونکه تجارت و صنایع بونک سایه حمایتنه صغینه رک فیض اعتلا ، اسباب رفاه و سعادتده بو صورتله انجلا بولور .

بو کون بزم کی هنوز درجه صنایعی حال ابتدائیده بولنلر ایچون حکومتک حمایت و مظاهرت مغویه سی آلتده پرورشیاب اولمدهن اوروپانک یوزلرجه سنه لک محصول مساعی و کالاتی اولان ترقیات حاضره مدنیه سیله مسابقه قالدشمق امکانسزدر . زیرا اوکده حفرة مظلمنه رقابت وار . ممالک متهمه نک صنایع و تجارت داخله لری رقابت خارجه دن محفوظ بولندرمق ایچون تطبیق ایده کلدکلی اصول حمایه و سرستی تجارت کی اله ایکی واسطه متکا بولندقچه نریمه کیدلیدی بیلنه میهرک او حفرة دوشوب محو اولمق تلمکسی موجود . هله بزم کمرکلر مزک بو لازمه ترقیورانه دن محرومیتله برابر معاملات عمومیه سی اعتباریلدهده اصحاب زراعت و صنایع حقهده ماملات مزعجه و تضییقه سی الیوم بر دوام .

نه یلان سویله لم ؛ بو کی حقایق و دقایق مهمیه مبنیدر که اعلان مسعود مشروطیت مزک ایام اولینده اداره لئمه سابقه نک ربه قید و اسارتدن قورتاریله رق قابلیت ترقیه مزه بر نمونه تقدیر کارانه کوستره جک ، چاره اصلاحاته باقیله جق دوائر دن برنجیسنی کمرکلر من عد و تخمین ایتشدک . هیهات ! نرمده ! مکرکه بو پارلاق امیدلر مخیل ، زوالپذیر بررشمعه ایمش . ایسته بونی الی ایلج اجرا آت عادیه بک کوزل اثبات ایده بیلر . مثلاً رسوماتک مکتب نظریاتی اولمق لازم کلان بشر بیک غروش معاشرله اعضالق و مفتشلتک انضمامیل

اون ایکی کشیدن عیادت تشکیل ایدیلان مجلس رسوماتی نظر تدقیق اوکنه آلام . واقعا بویله بر مجلسک ، معاملات عمومیه رسومیه نک ناظمی ، محل حل ورؤتی اولمسی ایجاب ایده جکی دوشونیلر ایسه رسومان امانتجه تشبث اولنان شو اجراآت ابتدایه مظهر تقدیر اوله بیلر . فقط مقصد تأیسی نیت خالصه ایسه . ذاتاً مجلس دنیلمدی اداره سابقه ده صنف ممتازه نک استراحتگاه اطلانه سنه وصف و علم اولدیفندن میدر نه در ذمه تبادر ایدن ایلک کلمه نک مشرتینوران اولمامسی ممکنه ؟ غالباً محترم مبعوثلر من ؛ رسومات امانتجه ترتیب ایدیلان ، وزمن تطبیق قاپیتولاسیونلرک رفقه معلق بونان لایحه اصلاحیه نک تأثیر ساحرانه سیله مسحر اولملی له شو صرعهده دوائر سائره نظارتین امور مأموره لرینه متعلق استیضاحاتده یلندقلری حالده کمرکلر من حقهده شایان استیضاح بر شی کوره مامشلردر . حالبوکه صدر انظم پاشا حضرتلرینک نطق جوابیسنک فعل مهمنی تشکیل ایدن کمرکلر من حقهده کی فقرات مخصوصه سی بو بابده کی لزوم اصلاحیه دایر بک بلیغ برر برهان ، فقرات مذکره محترم مبعوثانمزک جلب انظار دقتلرینه شان ایدی . ایسته شایان سؤال و استیضاح ، همه خزینه ملته بو آنه قدر شهری الی یوزلیرا قدر بر مصرفی بادی اولان بر ماده مهم .

امینز که محترم مبعوثلر مزک قسم اعظمی کمرکلر مزک احوال مذنبه سی حقهده جزئی کلی معلومات استحصالیتمش ، قی شو صرعهده بیلر بعض طرفلردن یوکسلان اوازه اشتکایی طویمش متأثر اولمشلردر .

مبعوثانمزک انظار دقتنه حسب ایه عرض ایتک ایسته دیکمز مجلس رسوماتک اکر ادامه سی مطلوب ایسه اعضاستندن قسم اعظمک اتخا بنده هیچ بر صورتله اصابت ، الدقلر معاشاتک بیکده بر جزئنه کسب استحقاق ایده جک درجهده وجودلرندن خدمت کورلمشیدر ؟ عجبا مجلس مذکوری هیئت سابقه نک حال عطلانه سیله قیاس ایتسه ک آره لرند بر فرق